



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-246-5/21**
Datum: **01.07.2021. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „SESTRE“ d.o.o. Velika Kladuša, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Drmeljevo, općina Velika Kladuša, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj: 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „SESTRE“ d.o.o. Velika Kladuša, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Drmeljevo, na zemljištu označenom kao k.č. broj: 142/1 K.O. Velika Kladuša (novi premjer), odnosno k.č. broj: 312/2 K.O. Velika Kladuša (stari premjer), općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa pratećim sadržajima (za koje je izdano odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, kapaciteta 3x12 m³.
 - 3.3. Vodnom dozvolom nisu obuhvaćena preostala dva rezervoara za skladištenje nafte, kapaciteta po 15 m³, koji su izvan funkcije i u slučaju da se u stave funkciju i podnosilac zahtjeva je u obavezi podnijeti zahtjev za izmjenu vodne dozvole, u skladu sa članom 130. stav (1) tačka 2. Zakona o vodama.
 - 3.4. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.5. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema zaključenom ugovoru.
 - 3.6. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – korito rijeke Kladušnica, koja protiče uz predmetnu parcelu.
 - 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.8. Korisnik predmetnog objekta je dužan izvesti okno za uzorkovanje na cijevnom vodu neposredno iza uređaja za tretman otpadnih voda, a prije ispuštanja prečišćenih voda u predviđeni recipijent te izvršiti uzorkovanje otpadnih voda sukladno članu 19. stav (4) Uredbe o ispuštanju otpadnih voda u okoliš i sisteme javne kanalizacije.
- 3.9. Prečišćene oborinske onečišćene vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.10. Za vrijeme važenja ovog rješenja, ukoliko se izvještajem o monitoringu kvaliteta i kvantiteta otpadnih voda pokaže da kvalitet istih ne zadovoljava paramtere propisane Uredbom o uslovima ispuštanja otpadnih voda u okoliš i sisteme javne kanalizacije, korisnik predmetnog objekta će biti obavezan da izvrši zamjenu trokomornog betonskog separatora te ugradi separator ulja i masti sa koalescentnim filterom i automatskim zatvaračem, prema EN 858-1,2:
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.13. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „SESTRE“ d.o.o. Velika Kladuša je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „SESTRE“ d.o.o. Velika Kladuša, obratilo se ovoj Agenciji dana 31.05.2021. godine zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Drmeljevo, Općina Velika Kladuša.

U provedenom postupku, uz zahtjev za izdavanje vodne dozvole dostavljena je pregledana dokumentacija:

- Ovjerena kopija aktuelnog izvoda iz sudskog registra, izdan od strane Općinskog suda u Bihaću, Matični broj subjekta upisa: 1-4380-00, dana 24.09.2019. godine (prva strana),
- Ovjerena kopija Uvjerenja o poreznoj registraciji, Poslovna jedinica Đure Pucara Starog bb Velika Kladuša izdano dana 09.12.2010. godine, od strane Federalnog ministarstva financija - finansija, Porezne uprave – Kantonalni ured UNSKO-SANSKOG KANTONA,

- Ovjerena kopija uvjerenja o registraciji/upisu u Jedinstveni registar obveznika indirektnih poreza; izdan od strane Uprave za indirektno-neizravno oporezivanje Bosne i Hercegovine pod brojem: 04/1-17-1-35-471-13/10, dana 27.12.2010. godine, u Banjaluci,
- Ovjerena kopija Uvjerenja o poreznoj registraciji, izdano dana 24.01.2012. godine od strane Federalnog ministarstva finansija - financija, Porezne uprave Federacije BiH – Kantonalni porezni ured BIHAĆ,
- Kopija naloga za plaćanje upravne pristojbe,
- Kopija Rješenja, kojim se odobrava Galijašević Juse Izetu iz Velike Kladuše da kao investitor može početi sa izgradnjom benzinske stanice u Velikoj Kladuši ulica 5. Korpusa, na zemljištu označenom kao k.č. broj 142/1 K.O. Velika Kladuša po novom, odnosno k.č. broj 312/2 K.O. Velika Kladuša po starom premjeru; izdano od strane Odjeljenja za urbanizam Službe prostornog uređenja i resursa općine Velika Kladuša pod brojem 05/1-23/2-73/99, dana 29.10.1999. godine,
- Kopija rješenja o vodnoj dozvoli, izdano od strane AVP Sava pod brojem: UP-I/25-3-40-078-5/16, dana 05.04.2016. godine,
- Kopija rješenja o okolišnoj dozvoli, kojim se izdaje obnovljena okolišna dozvola operatoru „SESTRE“ d.o.o. Velika Kladuša za objekat benzinske pumpe koja se nalazi u naselju Drmeljevo bb, općina Velika Kladuša, na zemljištu označenom kao k.č. broj 142/1, k.o. Velika Kladuša, kapaciteta spremnika za gorivo 30 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem: 11-23-9856-UP-1/17, dana 12.12.2017. godine, u Bihaću,
- Kopija rješenja, kojim se daje urbanistička saglasnost Galijašević (Juse) Izetu iz Velike Kladuše, ul. 5. Korpusa, za izgradnju benzinske pumpe u Vel. Kladuši, ul. 5. Korpusa, na zemljištu označenom pod k.č. br. 142/1 K.O. Vel. Kladuša, a na osnovu plana parcelacije iz Urbanističkog plana grada Vel. Kladuša, "Sl. glasnik općine Vel. Kladuša", br. 7/81); izdano od strane Odjeljenja za urbanizam Službe prostornog uređenja i resursa Općine Velika Kladuša pod brojem: 05/1-23/1-65/99, dana 23.04.1999. godine,
- Kopija Preventivnog plana sprječavanja nesreća većih razmjera, Benzinska stanica – Drmeljevo, Poslovna jedinica br. 1, urađen decembra 2020. godine, u Velikoj Kladuši,
- Kopija Izvještaja o monitoringu kvaliteta i kvantiteta otpadnih voda benzinske pumpe „SESTRE“ Velika Kladuša – Drmeljevo; urađen od strane Inspekt - RGH d.o.o. Sarajevo pod brojem: 79/20, dana 11.02.2020. godine,
- Kopija Ugovora o zakupu poslovnog prostora, predmet kojeg je poslovni prostor – benzinska pumpa, koja se nalazi u naselju Drmeljevo; zaključen sa vlasnikom objekta Galijašević (Juso) Izetom iz Velike Kladuše, dana 25.12.2000. godine, u Velikoj Kladuši. Rok važenja Ugovor je 31.12.2001. godine.
- Kopija Aneksa Ugovora o zakupu poslovnog prostora, sastavljenog dana 25.02.2001. godine, ovjeren u Općini Velika Kladuša pod brojem 588/2001. Aneksom je definirano da Ugovor nema rok trajanja, a isti se može raskinuti prema pismenoj obavijesti, proslijeđenoj najmanje mjesec dana prije planiranog otkaza ugovora, od bilo koje ugovorne strane.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „SESTRE“ d.o.o. Velika Kladuša, u Ulici 5. korpusa, naselju Drmeljevo, općina Velika Kladuša, i tom prilikom sačinjen zapisnik o uviđaju broj: UP-I/25-3-40-246-4/21, dana 18.06.2021. godine.

Objekt benzinske pumpe sa pratećim sadržajima „SESTRE“ d.o.o. Velika Kladuša je lociran u Ulici 5. korpusa, naselju Drmeljevo, sa desne strane regionalne ceste Velika Kladuša - Topusko.

Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorom, upravnim prostorijama, podzemnih čeličnih dvoplašnih spremnika za gorivo, te manipulativnog asfaltiranog prostora i zelenila. Objekt se nalazi na ravnom terenu, sa internim saobraćajnim i pretakališnim površinama na čijem su ulazu i izlazu sa platoa na magistralnu cestu ugrađeni ulični slivnici, a na razdjelnici pretakališnih od manipulativnih površina su ugrađene linijske slivne rešetke.

Gorivo se drži uskladišteno u ukopanim spremnicima sa dvostrukom stijenkom i primjenom sistema automatske dojava o procurenju međuplašnog prostora.

Sanitarne otpadne vode iz objekta upravne zgrade su kanalizacionim cijevnim sistemom priključene na septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom odvedene do ispusta u korito rijeke Kladušnice, koja protiče uz predmetnu parcelu. Zauljene - onečišćene oborinske vode, koje nastaju na prostoru internih saobraćajnih i pretakališnih površina, se nakon tretmana u separatoru ulja i masti ispuštaju u korito rijeke Kladušnice. Manipulativni prostor za tankovanje i pretakanje je betoniran.

Priložen je izvještaj o mjerenju kvaliteta otpadnih tehnoloških voda, urađen februara 2020. godine, koji pokazuje da su parametri u okviru dozvoljenih vrijednosti propisanih Uredbom. Povišene su vrijednosti

suspendiranih materija u ispitanoj uzorku (38 mg/l), što je u okviru dozvoljenog prekoračenja propisanih vrijednosti.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnoj lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdato ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „SESTRE“ d.o.o. Velika Kladuša, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

**Po ovlaštenju**
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „SESTRE“ d.o.o. Velika Kladuša, Ulica Đure Pucara Starog bb, 77 230 Velika Kladuša,
- 4 AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava